

日本撰述

本朝高僧傳


五十一—五十二  
五十三

特279-318



特279

118



第四百六十七號

庫書百部文

始



本朝高僧傳卷第五十一

濃州盛德沙門 師蠻 撰

感進四之六

江州延曆寺沙門增譽傳



釋增譽權大納言藤經輔子自齠年比伏膺佛乘師  
園城寺行觀僧止得度研學弱愛抖藪歷尋聖跡大  
峰葛城躡嶮嶮涉蒙咒練難行神感播都住三井千光  
院又於洛東建聖護院移熊野神應德元年秋中宮  
賢子崩白河帝召聽法華實相之旨傾心佛法敕任  
法印寬治三年三井覺圓讓法務於譽是歲五月畿

邦久阜上命有司埽神泉苑敷譽祈雨修孔雀經法  
及第七日天陰雨灑大蛇出池巡島一市雲亦涌出  
雷雨如綆至翌日晡朝野嘆曰時及澆季佛法有驗  
八年秋補天王寺主永長元年任權僧正承德二年  
司廣隆寺康和二年補園城寺長吏三年春白河上  
皇修論議於鳥羽院詔譽爲證義者四年轉正補三  
山檢校此職自譽而始五年正月藤后茨子崩堀河  
帝哀愴未葬已過旬日召譽曰人命有限佛神難奈  
然憑法力見暫蘇息朕意足矣卿竭丹精加持無驗  
因自訴曰管在唐院修法每尊滿一落又素志未弛

今奉王敕將見咒驗雖定業豈不發一言乎高誦神  
咒誠精加持而后蘇言語帝悲喜不分移時永訣宮  
中上下歎未曾有也鳥羽帝初募士相撲有遠方者  
膂力邁羣敵手忌憚咒詛臨期俄腫發胸將廢角場  
時譽賜座遠方哀乞譽乃加持其腫立消得決輸贏  
一場嘆奇住浴北一條寺富家之兒連日患瘧入寺  
乞救譽與客碁通命不顧兒瘧既發身手顫栗局終  
呼來置膝上日不發不發搖兩三回瘧疾頓愈長治  
二年任延曆寺座主尋轉大僧正兼領尊勝梵釋崇  
福等十二大教寺嘉承二年爲最勝會證義者永久

四年二月十九日禮不動彌陀二像面西而寂壽八十有五矣

贊曰譽之練苦也登熊野山凡十三度非人所能禁故其驗影響焉白河上皇幸熊野日譽爲先導仍得大峰檢校職今修驗家攀三山者以聖護院爲本者從此始焉

江州安祥寺沙門嚴覺傳

釋嚴覺諫議大夫源基平子仁和覺意園城行尊之弟也才偉諸兄從東寺信覺削染受學祕法永保三年承覺灌頂康和四年冬拜範俊重受密灌盡小野

流住勸修寺移安祥寺闡揚密乘學徒常盈永久五年加東寺長者是歲夏旱奉敕於神泉苑修請雨經法修中霖雨普潤元永初年行仁王經法於禁殿保安元年任權大僧都二年閏五月八日寂行年六十六有神足五人共一時之後傑也增俊開隨心院爲第一祖大弘密乘寬信啓法勸修寺宗慧熾法安祥寺小野密水分三派矣

京兆仁和寺沙門寬助傳

釋寬助藏人頭左中辨源師資子自幼穉隨遍照寺經範僧都學瑜伽教十九任阿闍黎承曆四年春拜

性信親主稟傳法灌頂及密軌信公稱曰當恢弘我法者也後果出覺法永嚴信證覺皎寬遍聖意等諸傑居成就院聲華四耀康和五年正月五日掘河帝詔修五壇法助行金剛夜叉法夫此法者密宗祕軌必擇其人助兩回修其出於人可知焉長治元年任權少僧都二年夏爲東寺長者秋八月住遍照寺嘉承二年轉大僧都補仁和圓教二寺此冬爲護持僧相次領圓宗東大廣隆諸大利天永元年六月彗星東出其光可六尺許詔助禳之治壇宮殿修孔雀經法修中妖星沒賞置阿闍黎五人於成就院明年春

兼法務任權僧正夏五月修五壇法歷興福衆徒有事入洛永久元年秋八月帝弗豫入宮修孔雀經法不日而瘳帝下宣曰東寺結緣灌頂小阿闍黎準南北三會講師當任僧綱也助上表謝恩曰虞詔盡美聖翔集於鳳凰夏屋開基識來賀於燕雀物之相感取諭如斯伏奉宣旨東寺灌頂阿闍黎耶殊應玄奘可登綱位者恩出聖表歡益身涯漢朝白馬之勝躅也比榮光於摩騰唐室青龍之餘流也繼龍澤於惠果況秋桂嶺幽忽驚皇風之遠振午茶竈靜夏遇佛日之再中凡在方袍莫不悅豫伏惟鍾一千之昌期

居九五之尊位垂慈慧以茂育羣生崇教法以潤色  
鴻業遂使真言三密之雲與慶雲而新聳灌頂五智  
之水與德水而長澄踴踊于莓苔之庭娛樂于烟霞  
之洞不堪拜賀之至謹詣闕以聞四年夏轉正翌年  
春主法勝寺元永元年夏四月重補東大寺務五月  
久旱奉敕於神泉苑誦經即日大雨冬移最勝寺保  
安二年秋日河上皇御惱行五壇法修中平復冬十  
月轉大僧正拜賀之日聽乘鹿車天治元年三條內  
裡禱中宮產翌日分娩助修孔雀經北斗法凡二十  
度皆得法驗是以王公士庶靡不恭敬時人稱法關

白二年正月奏辭諸職上元溢然齡六十九法臘若  
干莖于池上寶塔院

贊曰弘法之後雖傑出多若助公者復稀見其修證  
實一時之有德也漏於釋書故世稱不高考之諸記  
以發下璞之溢美矣

### 京兆仁和寺沙門禪譽傳

釋禪譽號賢聖房肥後守重房子性信親王傳法灌  
頂之嗣也官昇僧都居仁和寺白河上皇爲女院產  
召時名德修五壇法譽修降三世壇方修法間中使  
勞問諸師替首譽獨不顧垂淚精祈淚洒供物頻入

爐中以譽回奏少選平產承德二年上皇御惱宴信  
兼意隆寬及譽依敕修六字法譽修護摩壇御惱復  
常天仁年中補東寺長者大治元年三月十七日寂  
歲六十九

城州醍醐寺沙門勝覺傳

釋勝覺左僕射源俊房之子母氏妊夢白象入懷產  
于鳳城資性柔順謙光及物師醍醐寺座主定賢入  
密灌頂又就義範範俊益臻堂奧住三寶院八十餘  
咒日課暗誦常修理趣三昧効驗早聞於世應德二  
年補醍醐座上寬治六年移廣隆寺長治元年董東

大寺二年春彗星出奉敕修仁王經法妖星逐日而  
沒嘉承二年任權少僧都天永三年六月久旱敕修  
請雨經法於神泉苑至第四日急雨降注宜尚書右  
丞藤顯隆賞賜甚賚尚書大悅延覺府第設筵申賀  
孺子謠曰阿耨池水通神泉許摩尼峰風吹一味雨  
詞韻應節滿座驚聽尚書曰異哉誰教汝邪孺子曰  
夢叟教曰明日府會哥以此曲為永久五年夏旱又  
雩於神泉第四日小蛇蟠壇下其日甘雨普澍率土  
覺既還而憩僕射亭敕滿七日覺奏曰既得悉地重  
奉綸言神咒法驗不愆今日獨往神泉精祈及昏黑

雲俄起暴雨滂沛白河上皇召僕射日卿之子勝覺  
展天下之寶也朕欽其德僕射退見覺合爪感淚也  
保安元年冬轉正天治元年春任東寺長者翼歲春  
兼法務尋領寺務夏五月修孔雀經法於三條殿祈  
皇后產修中出胎上皇悅賞任權僧正是歲再補東  
大前後十四年也覺尚素丹不愛財物法供之外他  
營如遺晚年感進益冠一時患疫瘡者投院自痊太  
治四年春遘病四月朔化于住院山林震搖雲覆天  
樂享年七十三坐臘若干夏先滅三日孔雀一雙翩  
躚座傍見者髮鬚矣付法弟子二十四人定海賢覺  
可牆面覺之能事畢矣

城州來迎院沙門良忍傳

聖賢等皆是宗英各立一家醍醐密派分爲三流矣  
贊曰生感泉龍之澤沒現佛土之瑞雖古之高僧不  
可牆面覺之能事畢矣

釋良忍尾州富田人嘗登睿嶽學顯教於良賀稟密  
灌於永意自承德初隱大原山日誦法華一部唱念  
佛六萬遍天仁元年欲建精藍夷基趾畫結界鬼魅  
偶語曰師之法力雖驅逐我法末之時復當歸止翠  
歲寺成號來迎院待賢門院宮人每來聞道於忍一  
日未通謁到門思忖我是婦人屢屢入院倘無知者



矣生疑謗得不累及我師耶忍出謂曰婦人所惟非  
無其慮但固志於道耳忍修八字文殊法庭上巨石  
變作獅子回旋哮吼一日異人來謁曰師奚不唱融  
通念佛乎忍曰何謂也曰回我所唱融會衆人衆人  
之唱互通于我所謂融通也何者衆生無邊故其功  
德踰於獨稱者萬億耳願師以此勸誘四海我亦倡  
天神地祇而衛師法焉忍曰公何人耶曰我鞍馬毘  
沙門天也言訖卽隱從此專唱融通念佛忍自作疏  
博勸四衆天承二年二月一日取滅年六十六忍建  
一字度經律論名如來藏所持彌陀經時時放光其

徒崇爲鎮寺之寶焉

贊曰忍公修學之餘又於顯密聲明近習遺傳諸師  
音訣綜集大成精微入神常以此業廣作佛事一轉  
其音聲輪則屈節嘹亮如水觸溪梗杳杳瀟瀟類風  
吹嶺松蕭蕭瑟瑟使人圓滿一千二百耳功德由是  
大原成梵唄之場今之敎家流習聲明者祖述於忍  
焉或曰忍之音演古今無儔準梁唐僧傳當有唱導  
聲德之科而傳何不爾耶通曰感通者本也音慈者  
末也君子務本本立而道生故釋書亦無二科捨彼  
取此以攝諸感進之篇焉

江州園城寺沙門行尊傳

釋行尊諫議大夫源基平子小一條帝孫也其母在時夢詣睿山中望藥師佛舞勺慕法拜明尊僧正祝髮園城學密賴豪稟兩部灌頂於覺圓及十七歲潛出三井名山靈區杜多跋涉嘗入大峰誦咒苦行一夜大雨菴中欲流登崑危坐命將終焉誦我不愛身命但惜無上道文俄童子來捧足保護從此隨逐靈驗益多或宿山崑一童與枕或臨河岸天童撐舟麗景殿妃尊之養母也久染邪疾使僧信禪入山促歸尊曰修願未滿不可下山尊乃咒獻柑子一顆如嘗

之筮又往泉州真木尾山匿名役事山下村女產難需救山僧有故遣尊持念孕女平產家主覲與特牛一頭梅壺藤皇后詮子尊之異姊也聞其在山命國司宗基寄帛衣官米山僧始知貴種悔謝尊即遁太遊歷諸所郁芳門院邪氣逼惱隆明增譽在宮持念以尊舉奏下敕召尊隔榻咒持數剋靈邪移入后醒遂住三井平等院每冬練行駐錫大峰俊子公主久受妖病尊裝幼女加持移魅公主即痊而魅女忽失五日不得尊勤持念宮藻井上俄有響聲尊曰妖也使護法神捕之罅隙寸餘魅女下落永久元年帝患

日本書紀卷之五十一  
腰痛起居不安尊侍御座讀千手大悲經帝頻欠伸  
扶起平安有一宮人爲魅斷髮詔尊護念又飾幼女  
加持幼女懷中出小刀曰或令我執此刀斷髮蓋宮  
娃妒寵巫蠱之也尊命續之女曰不能尊厲叱曰汝  
已能斷豈不能續邪女以手續之一毫無益藤才人  
有狂疾其魅託稚女喫故紙宛如羊焉與尊異跡縮  
手恐怖野州刺史平師季之妻妖疾歷年以尊架染  
覆體疾愈覆架染時惡疹其臂彊曲不伸負痛叫喚  
尊咒桃子啖之如故三年夏關白忠實藤公賀白河  
上皇六十聖算相國有痒癢瘰癧見面期至求驗一咒

消愈又瘡發尊誦千手經令枕膝除矣四年春補三  
井長吏是秋授權僧正元永元年領天王寺平等院  
寺務保安四年任天台座主長承三年敕爲衆僧上  
首中納言藤顯隆苦瘡加持卽消割江州水田二十  
町寄園滅寺尊以此衆供修百座仁王講永爲恒式  
過越厨浦投宿一家其女暴死尊坐屍側護持女活  
女父母悅以其地爲院莊尊之母嘗臥瘡加持長不  
發惱族兄覺意僧都感嘆以爲孝純何事加旃天治  
二年轉大僧正鳥羽上皇第三皇子薨尊入宮日法  
若無効不再歸山專心持念皇子復生咒粥一盞獻

之始乳賜以巾車雲客副送藤璋子待賢門院將入內上

軍俄狂詔尊加護即時醒寤上皇加賞尊辭曰臣僧

綱階邁于分矣保安寇火本寺未建賜舊復詔恩莫

大焉乃救賀州太守季成經營壯麗園城再興尊之

力多大治元年夏腫發背醫藥無功尊高誦千手大

悲經未移數刻腫腫潰愈長承四年二月五日手持

五銜口唱佛號恬然而化齡七十九或曰八十九歲矣初天

治二年夏尊坐道場五部夜叉中一夜叉來摩頂安

慰柔軟如人造五夜叉安六角東洞院是歲十二月

火于洛陽定中所見夜叉一軀免餘焰云

贊曰佛法之在乎世譬諸鑿地得泉擊石出火焉患

無修之人已尊公隨佛言量研信實精以擅法驗興

瓦礫之場當是時園城非無其人然獨同祖場之憂

患者吾與尊也

### 京兆仁和寺沙門聖慧傳

釋聖慧白河帝第五子覺法之皇弟也入仁和寺落

飾披緇從成就院寬助僧止稟金胎兩部習諸尊祕

法住華藏院有家學譽任一身阿闍黎天治元年所

中宮產修五壇法中央覺法脇壇慧修之餘二壇亦

法親王也是月誕爾時俗稱王子五壇大治二年所

女院產修五壇法又得法驗翌歲春敘三品長承元年季秋鳥羽上皇御憫修孔雀經法効驗賜牛車宣弟子寬曉令轉法印保延三年二月十六日寂壽四十四  
紀州高野山沙門教尋傳皇孫少人二味等  
釋教尋姓平氏和州人初住三井後移高野英氣中積謙光外彰傳習五部鉛綜八宗覺銚淡欽就以請益及創傳法院請據座首無何辭去寓丈六堂開寶生院常持文殊每坐密壇共談法義弟子問之尋曰濡首大士來與我論慎勿外泄久坐寶生爲衆教授

俄示小恙文殊來現曰卻後三日當明相時與萬菩薩當引攝金色世界尋卽合掌以偈讚曰唯願妙吉祥爲我現全身不捨本誓願卽作開導師至期誠徒誦提婆密持文殊咒結印而化天奏音樂室發異香永治元年三月二十三日也踟躕印手踰日不亂云覺銚在傳法院著五輪九字祕釋述祕藏深義一日定中見尋告曰崑崙一崩玉石卽一毘彌兩觀凡聖無二我是金色世界舊衆子乃密嚴淨土之新人也若入此瞻葡林安有異熏矣言訖倏然不見覺銚語入不已

贊曰：晉李唐無著禪師，一夜與文殊對談，今尋公數回與大士義論，是皆護愴戒慧，求殊勝者所誓而得也。可稱奇特焉。且夫松風說法，蘿月談空，者自然妙音，文殊境界無隱乎爾。與尋公之擬，又如何。

京兆東寺沙門信證傳

釋信證，輔仁親王之子。後三條帝皇孫也。自幼聰慧，就行意大德學，真言教。從仁和寺寬助僧正承灌頂法，任一身阿闍黎。天治元年，所女院產覺法親王修五壇法，證預密壇直敘法眼。大治初任權大僧都翌歲，上皇遷御新殿，覺法受宣行愛染法，證修護摩壇。

六月爲東寺長者四年，夏領寺務，冬兼法務。五年正月，女院違和修五壇法，即日平復。同初秋，早就東寺修孔雀經法，修中疾雨賜置阿闍黎五人於成就院。長承元年，以朝廷命修北斗法，得驗有賞，二年辭職。優詔不許爲一長者。冬十二月，補廣隆寺，保延三年昇權僧正。十月轉正，永治初爲護持僧，上皇落飾就證受戒於八條院，所皇后產五十餘日，皇后平產讓賞觀慧敘法印。康治元年四月八日寂，年五十五。

洛東雲居寺沙門瞻西傳

釋瞻，西睿山住侶，移居洛東，凝心止觀，繫念淨邦，天

日本書紀 卷之三十一  
治初年開雲居寺又雕刻八丈金色佛安勝應院永  
治元年七月講衆開光慶讚洛下雜沓一日麗婦乞  
冬服曰天寒垂惠脫衣與太明日又來西亦與之至  
第三日身纏幣席戰齒牙來西日盡矣其人詬罵曰  
闍黎心地鄙恪未除不受恪施投前一衣忽然不見  
西曰修道無力文殊所試懺悔進策以天年卒西精  
於聲明輪其傳有由梵唄一發四衆樂聞大原山良  
忍隨西傳其音節云

系曰施人者善行也然有數而存焉再是可也再三  
瀆西公之施也數已契矣而受文殊之呵者何也通  
曰世法畫之佛道無量矣菩薩之行檀也四肢舉隨  
施之不倦況於外物可恪乎其言曰衆生無邊誓願  
度何有分限哉宜也西之遭阿學佛之流鄙情膠者  
可復以戒焉

### 江州睿山沙門妙音傳

釋妙音初從橫川香蒙法師學台教天生孤貧紙服  
葛布僅涉寒暑不勤餘業專持法華誦山王祠讀誦  
千日其間雖雨雪夜無輟常謂徒曰雖生貧苦依經  
王力當生樂國康治初左僕射賴長藤公患瘡疾聞  
音法驗召誦妙經未終卷軸瘡苦即除大相國忠實

藤公一日謂音日山王神德崇於王臣吾未信決若  
有神驗公試祈吾音正不敷坐至心讀誦至誓喻品  
相國託言貴哉子先于夜於吾寶殿誦經之聲今猶  
在耳左右皆驚藤公信服四事供給無捨日時云

城州醍醐寺沙門定海傳

釋定海右僕射顯房源公之子貌志清粹學金剛乘  
初從義範于醍醐寺其後拜二寶院勝覺傳灌頂法  
就一乘院良雅盡要領受永久四年爲醍醐寺座主  
大治四年補東大寺翌歲春任權僧都夏四月天智  
帝陵鳴占兆爲疫詔海就大佛殿千僧誦經陵變卽

止災亦不行秋七月旱修孔雀經法於醍醐密雲雨  
施賞置阿闍梨五人於醍醐寺天承初元爲護持僧  
長承元年上皇弗豫持念有效加東寺長者敘法印  
尋轉權大僧都在東寺一長者三年秋兼法務又所  
待賢門院瘧疾修孔雀經法卽受驗賞保延元年任  
權僧正二年秋皇后瘧修孔雀經法又有驗上皇敕  
置阿闍梨五人於二寶院賜御衣及駿馬三年轉正  
南京玄覺爲權僧正興福衆徒七千餘人人京誦海  
超授覺亦轉正南衆又請黜復正以海爲護持僧  
朝命不許是時南北有二正貞四年二月四條離宮



二條宮共火三月望日詔修孔雀經法同十九日天  
雨黑和七月十日寺前池中生蓮華蓮時人謂爲海  
之修瑞也秋九月任大僧正醍醐之徒海爲初任六  
年崇德帝不豫危急海入持念玉體復常七月依事  
於鳥羽宮修孔雀經法康治二年修同法於昭陽宮  
共有劫驗上皇宸感以弟子賢覺敘法眼永治元年  
辭職不允久安元年重奏遂免五年四月十二日化  
年七十五矣

京兆東寺沙門賴舜傳

釋賴舜號佛頂房祕勝寶院初在修位攝衣芳源又

從深覺受兩部灌密驗名成掉頭僧官生氣麤放房  
中屢空一日闕齋對毘沙門像曰汝護行者誓拯貧  
窮坐散華香今胡違誓乎乃取天像投之溝中其夜  
三更八幡社務請修天供寄送供品舜莫爾日事當  
如斯取溝中像淨浴張壇又鄰房童兒久瘡不愈舜  
偶到曰盍早告之今不如法而護法明王在處隨逐  
誦不動咒加持愈焉其師深覺奉詔禱雨七日不雨  
更請二日皆瘳在寺禮拜弘法二日一夜遂得感驗  
法雨應期矣

贊曰夫諸天諸神者其心直方大而不私衆生之觸

於我焉只感於其有誠者而已舜公之投多聞天像者單出于真率之心而無一毫之偽意也是故得其應也速矣倘又水老鶴之輩不知其所由而徒憤舜之舉措則受其罰也亦復速矣

京兆仁和寺沙門世豪傳

釋世豪本名範覺依靈夢改今名筑前刺史藤基實子居仁和寺傳密寬助其才拔隊慶視時流嘗以超觀慧而冒進斥于高野真譽阿闍梨與豪同學先菴山中逐客隱人相逢忘年豪又每曉詣闕院廟觀慧夢見大師不言只頻鳴指慧覺恍惚不知所為其夜

帝夢空海奏言世豪屏螿垂睿慮焉明日召還慧亦加敬大治五年待賢門院建法金剛院今十月落慶請仁和寺覺法親王供養導師伴侶二十各行賞勞豪任僧都保延四年白河離宮修五壇法豪預護壇仁平三年四月某日化

城州威德院沙門覺任傳

釋覺任京兆人式部丞藤家能子入大教院受業覺意後從寬助于成就院稟傳兩部密灌祕法保延初任威德天養元年冬任權少僧都久安四年夏加任東寺三長者仁平二年初春大變押小路殿奉敕修

北斗法得驗受賞在世軌修七十二壇俱得應効記  
失其事同年二月朔日化年六十七

城州醍醐寺沙門運覺傳

釋運覺止處醍醐少隨聖賢稟灌頂法學諸密藏討  
習三論嘗謂如來滅後二千餘年正像已過遺教將  
滅於是時豈不意哉發誓願自寫一切經二十年間  
書二千卷三時勤修効感極多康治二年二月某日  
命歸房室整衣招友曰命終時至為我誦尊勝陀羅  
尼唱彌陀寶號以助護淨土行滿座悲感一如其言  
覺端坐佛舍利前結定印而化

本朝高僧傳卷第五十一

音訓

腫

知隴切

梗

古杏切

嚏

丁計切

欠

乞念切

疹

止忍切

瘰

于謹切

痒

移章切

腫

於隴切

潰

胡對切

藟

步黑切

杏

達合切

悵

良慎切

瀆

杜谷切

悅

詡往切

江府住玉泉軒成九居士信施淨財鏤

本朝高僧傳卷五十一 茲冀

上報四恩下資三有家道繁興種智圓明

寶永丁亥佛成道之日

濃州路加納盛德禪寺 知藏比丘 識

本朝高僧傳卷第五十二

濃州盛德沙門 師蠻 撰

感進四之七

江州延曆寺沙門行玄傳

釋行玄丞相師實藤公之子上比睿山落州受學二十從良祐阿闍梨沐灌頂水修法靈通保安元年夏加持中宮病救掌法務四年十月任權僧正補延曆寺座主永治元年上皇患瘧加持瘧立除皇情大悅手賜御衣羽載春為護持僧康治元年夏上皇就玄受戒丞相忠實藤公同時受戒二年十月客皇出地

震ス玄ヲ禁中修熾盛光法ニ變共止有救睿山中堂ヲ修七佛藥師法ヲ祈日食而有驗賜牛車宣天養二年月有食之就三條西洞院修法有徵是月彗星出於昭陽舍修熾盛光法又得法驗轉大僧正六年九月藤皇后得子美福門院裝潢金字銀字一切經而請諸山高德於最勝寺慶讚供養皇后恐是日若雨天預命禱晴玄於本房修不動法至期快晴帝悅興營其房為后願寺號青蓮院置阿闍梨五人玄為第一世仁平元年夏敕為最勝會證義者玄兼山法柄凡十八年三千眾徒欽其德三年春辭延曆法勝最勝寺職

久壽二年十一月五日於青蓮院吉祥而逝應世五十九余四十年前往青蓮院寫玄年譜久藏巾笥今筆削之載感進傳教後進者看其高塵矣贊曰大厦之棟梁非凡木之所堪也必用椽樟而成焉玄公有其材而成山門之棟梁者也若夫天變地災隨指被消祈雨禱晴毘贊國家者茫茫宇宙之間無復物之可比況焉

紀州高野山沙門兼海傳

釋兼海字淨法不詳姓氏紀州人也自幼敏發長有志操戒慧精嚴言行並備慕覺鉅之德久侍函丈鉅

公器重日加提誨故於真言部莫不洞曉平居殫力贊襄師道焉銓公愛之與法友書往往稱及謂諸門人曰思慕吾道者當崇敬於兼海由是同儕尊之爲傳法院之的流遂依遺囑董密嚴席尋居圓明寺誘掖大眾滌篆之餘特拋淨財建八角二級堂安丈六大日像兩界曼荼羅七幅三部祕經仁平二年冬十月奏鳥羽上皇賜爲御願寺乃集山衆爲伸供養宜吏部大卿菅永範以製願文初銓公登和州信貴山多聞天王許授審珠及建精藍乃使海登信貴所求審珠至第六夜天主現身親授靈珠海頂受而還銓

師滅後百事皆屬於海指麾久壽二年五月晦日小恙相侵吉祥而化

### 城州醍醐寺沙門元海傳

釋元海藤亞相雅俊之子京兆人也師醍醐寺定海僧正研精顯密二教天承元年夏拜海公稟兩部密灌住三審院仁平年中加東寺長者後任醍醐寺座主當時稱其學術六年秋七月藤皇后罹病海奉詔就白河宮修孔雀經法修中有効皇后悅解御衣觀之海晚構小廬於寺傍號松橋解住持印絕交宴居保元初年八月十日卒於所住紫雲覆院音樂聞天

壽六十四海著厚草紙玄微鈔各一卷

京兆華藏院沙門寬曉傳

釋寬曉，堀河帝皇子從，華藏院聖惠親王受兩部密灌，精修入奧，教林靡風。大治元年，仁和寺覺法所女院產，曉預五壇，數為仁平三年春補東大寺務。秋帝有御惱奉詔修孔雀經法，乃得法驗，任權僧正，不任長者而修此法，其德可見。為相尋轉大僧正，保元四年正月八日謝世，年五十七。

城州醍醐寺沙門實運傳

釋實運，左僕射俊房源公子，弱歲從醍醐寺座主勝

覺學，真言教受勸修寺寬信灌頂傳諸密軌，兼受二論住勸修寺官任僧都，盛唱瑜伽後承元海信公怨之，以勸修寺所在祕軌移取置于佗寺，結成壇場，以調伏運至第七日庭中有聲曰：修願成就焉。信曰：自何告耶？曰：炎魔王宮信即撤壇，未幾運嬰毒瘡，永曆元年二月二十日寂，年五十四。其調伏法者炎魔天供也。於今傳家矣。運記信公口訣作金雷鈔一卷。系曰：能王者正直之天鑒，人閒世之善惡而司罪之輕重也。然隨人之所惡而與其罰者，寧非倍其說邪？通曰：實運之行未聞其正矣。其值毒瘡而卒者，雖有

天供之驗而其實者所自受也傳曰禍福無門只人之所招也此之謂歟寬信亦佛法中之人移怒詛佞者不知法之本法也今且據古史之法以傳疑學者擇焉

和州興福寺沙門慧信傳

釋慧信大丞相忠通藤公子母與州太守藤基信子自齡年隨興福寺玄覺僧止落州受業及稍爲人登東大寺戒壇受息慈戒賦性英拔究法相學持瑜伽法住一乘院任大僧正兼司法務康和二年再管興福寺領法勝寺務爲金峰山檢校名高南北應保元

年夏秋旱奉敕祈雨修中兩度大雨賜優賞焉

江州延曆寺沙門最雲傳

釋最雲堀河帝子宿植之德幼發慕佛乃上睿山就座主仁豪落飾稟戒依仁實僧正習學涉歲顯典密軌粗納襟裡敕任一身阿闍梨久壽二年春補延曆寺座主保元二年轉僧正職是歲三月朔日有食之豈帝有日吉啓行敕雲祈蝕乃就睿山中堂修七佛藥師法是日也天朗氣清賞敘法親王昇僧綱後此任雲爲初例是歲秋奏辭座主職敕賜騎士六人扈從行路雲閑居山房禪誦送日應保二年二月十六



日本書紀卷之五十五  
日寂壽算五十九

攝州別所寺沙門暹俊傳

釋暹俊不詳何許人初登睿山學顯密旨後住攝州渡邊別所寺以所學法教獎道俗俊傳持文殊大士之藕絲三衣本睿山禪瑜僧都所持年代深遠有少垢膩池上皇慶嘗使役童乙丸斡於天竺無熱池云俊年八十餘未有弟子近里柳津別所有相真者歲過耳順請為弟子意欲傳衣也俊善其志為師資之義先付五條後傳二衣真頂受尊重無幾真死臨終遺言以衣殉葬俊謂真徒曰前來付衣今當返我弟

子告以遺命內棺俊無之奈何朝昏悔悟纔經一歲長寬二年秋俊夢真來告曰我承師之恩依衣功德生兜率內院爾來尊師歎衣之亾即今還完在于衣篋也俊夢覺歡忻啓篋見之葉條四摺一所不壞依前而在俊為希有之思流淚願拜自爾俊之臨終披此衣而寂其弟子辨永死時亦爾永之事賀茂長明親聞見記于發心集焉

贊曰袈裟者三世如來利益衆生之標幟也文殊大聖之衣二千年後展轉遠涉至吾日域可以為奇耳大悲經曰披袈裟者當來彌勒皆度之真之生兜率

豈粵虛哉而今不委袈裟之所在也余於南都眉間  
寺見聖武帝所披之藕絲三衣甚薄且輕織縫妙麗  
殆乎非人裁疑此其類與  
京兆東寺沙門寬遍傳

釋寬遍源亞相師忠之子就寬蓮僧都荆湘稟具學  
諸密典隨寬助僧正受灌頂法登和州忍辱山專事  
修練一字金輪法一座尊勝咒一千遍害篋陀羅尼  
經一卷理趣經一卷法華經一品彌陀審號一千遍  
以爲日課感靈妙通名翔夷華保延五年詔敘法眼  
永治二年敕補城西廣隆寺天養元年冬仁和寺覺

法親王祝釐朝闕修孔雀經法讓賞於遍不歷權少  
僧都直任權大僧都崇其智德也久安四年敕爲東  
寺長者敘法印領寺務保元初年詔司法務是歲四  
月高野大塔落慶遍爲供養導師秋七月旱詔遍祈  
雨從自恣日修孔雀經法至二十日畿內大雨賜牛  
車宣住權僧正又置阿闍梨五人於東寺尊壽院二  
年七月旱遍於東寺又修同法未數日暴雨連日賞  
賜如太秋平治元年春管東大寺下住五年諸寺趨  
風應保元年轉大僧正長寬初領仁和圓教兩刹仁  
安元年六月晦日無病頓逝應世六十七遍平修嚴

緊靈感如響尤精密部廣澤六流中立其一義學者傳之曰忍辱山流也且忍辱山從萬壽初命禪開山垂一百四十年頽廢相繼遍六住寺院結界略復舊貫其績居多

紀州高野山沙門賴西傳

釋賴西房號智明其母禱於和州長谷寺而產稍長母語曰吾初懷妊時夢觀音菩薩賜錫杖與闍伽桶吾子其為聖者乎歲二十五剃染出家專遵法義時齋堅特其父亡時遺付田地契券西券紙陰書陀羅尼以薦冥福不受一畝分與親族西恨發心遲暮書

夜警衆誦經念佛惟恐不及登高野山擇師密灌研習經論結菴靜處精修益進慧解日長山衆稱曰伊勢上人有一童子求為弟子服侍左右進退稱意西欲知亡母之生處敬祈三寶一夜夢高僧告曰新到童子即亡母也西喜撫育乃為剃髮俊敏出羣漸至十年西始語夢雜僧聞而感慨惟淡西齡至八十四既修八千座護摩仁平元年仲冬五日結印誦咒向佛坐化

京兆仁和寺沙門覺性傳

釋覺性鳥羽帝第五之子母藤皇后璋子太治四年

七月二十日生七歲入仁和寺師覺法親王十二祝髮登東大寺戒壇受具足戒久安元年住法金剛院三年四月任下身阿闍梨是月十日拜稟法公傳灌頂法五年春補仁和圓宗兩寺檢校明年夏補法勝寺檢校仁平三年主仁和寺保元初年補尊勝圓勝成勝等檢校二年二月二十日日有蝕之奉敕就喜多院修孔雀經法天晴日滿賞敘三品長寬元年爲國於禁裡修孔雀經法讓賞任覺恩敘法印二年正月補天王寺檢校秋有天變奉詔修一字金輪法修中有驗讓賞仁證任權律師仁安二年任總法務此

職始于性二年冬行結緣灌頂於歡喜院後居洛北紫金臺寺時人稱紫金臺御室嘉應元年十二月十一日寂壽算四十一性氣質至誠好道進學招醍醐寺勝賢僧正受密乘每賢公至自起揚簾慇懃接人賢感篤情盡底傳之依其口訣製野月新鈔

紀州高野山沙門融源傳

釋融源號五智世姓平氏肥前州人覺鏐之親族也其氣質之潔如霽風明月焉少登高野山薙髮稟具學法鏐公智解廣深性愛岑寂索居小廬一衆見其疎放謫以無戒檢焉源一日開灌頂壇疑謫者曰必

日本書紀 本朝高僧傳卷之五十一  
有過災至三摩耶戒日俄降洪雨衆曰果是不祥也  
豈源不持傘蓋徐步入壇而衣履無溼衆始慙伏曰  
吾儕凡庸妄詢至人幸恕前言源曰我無憾心何所  
容謝哉從此聲華四馳嘉應元年春後白河上皇幸  
高野山聞其名望再徵不起乃幸草廬源燒槽拙炙  
肴不顧上皇合掌背後屈敬聞者莫不嘆其高風也  
有東客謁曰某所見彌陀真身詣熊野神因宿廟下  
夢神告曰欲見真身謁融源足矣故交路難而來覺  
鏊入寂之日源適在熊野山異人告訃驚往值喪具  
在鏊公傳

贊曰晉唐懶瓚和尚菴居南嶽肅宗皇帝聞其道望  
遣中使徵之昔瓚公燒槽煨芋垂涕而契遂未敢起  
中使反奏帝彌嘆其德今源公之事粗相似也嗚呼  
何國何宗無高標之僧哉

紀州高野山沙門澄慧傳

釋澄慧性心質直氣貌崢嶸久止高野陪高德室兩  
界灌頂薰沐明潔三部祕經錯綜丁寧加之隨求尊  
勝理趣經咒持誦勇銳修練無闕依此得感道俗歸  
仰仁安四年八月二十二日洗沐夏衣績印唱真言  
而示寂

紀州高野山沙門心蓮傳

釋心蓮字理覺不詳其產居住高野多歷年所平生好學不慕僧官顯密雙研性相細擇金胎大法諸尊祕法皆能暗記教人口授辭不滯礙衆稱高德焉又立堂宇作佛像率可以算修長日護摩至十餘年行千手法四十餘座常誦法華法驗特多治承五年初夏得微疾不服藥餌結印契誦神咒辭同伴而化送恣手印不解云

紀州高野山沙門濟俊傳

釋濟俊紀州在田郡人少上高野學密教其性柔順

同友有忤不介於懷質家法俗寸陰及冠歲隨琳賢大德受兩部灌頂究諸尊祕要精修得感者多任阿闍黎位司檢校職治承三年三月朔得老病沐浴易衣凭几結印觀心坐化壽八十四

攝州妙法寺沙門樂西傳

釋樂西雲州人年踰弱冠俄厭世路自祝髮入空門專觀心受戒已後遊履諸國隨緣度日承安年中抵攝州和田縣相攸山中偶到一菴值主不在西入坐爐磴磔炙背主歸罵曰闍黎何人如斯無禮耶西曰共是佛弟子何有識與不識支寒暫憩不可向驥火

日本書紀 卷之五十一  
一  
挾包而出僧曰我言過也起而雷之交接歟密西後  
山腹別結茅菴里民崇仰寺規稍備禪坐誦經宛涉  
歲月遠邇道俗慕化者多相國清盛平公聞西之高  
逸使家臣守俊通聘問西曰我釋沙門過塵台聽辭  
恐違惠自今莫贈釋子於世何求之有平公聞之敬  
志操堅西以餽物分與眾僧眾曰貧人之贈雖分半  
錢有勞身心不受而可如平相國縱重千金彼何經  
意辭或不可乎西曰貧人所施信心至重而不受則  
獨善其身還闕悲濟平公欲修檀施何善知識不應  
其請西何足預哉公執威權奢侈益甚若受增罪故

不受之眾唯伏理矣有一老婆隔山上鄰西常憐給  
里人餉西自持與老婆途遺念珠意甚愔之稍經數  
日有鳥啣來自爾有檀越供鳥知先鳴寺前小池紅  
蓮無數每季夏日爛漫開遍一夏一株不花眾僧怪  
之西曰今年我公此界佗方見花其年果安庠而滅  
奇瑞太多事繁不記焉

贊曰擇貧富之言也猶迦葉阿難行分衛沙門之云  
為古今自合符焉其鳥啣念珠報檀供者鳥獸本具  
業通而又所以慈忍之感歟古稱丈人屋上烏人善  
鳥亦善者以西公知焉

京兆東寺沙門任覺傳

釋任覺大藏卿藤行宗之子平安城人從仁和寺信  
證僧正承兩部灌頂精於密學保元元年夏熊野塔  
成詔覺爲供養導師任權律師平治元年冬敕司東  
寺長者應保二年轉權大僧都長寬元年爲國祈禱  
修孔雀經法賞敘法印二年春有天變召覺禁殿修  
北斗法無旬無事承安四年六月炎旱奉敕就神泉  
苑率僧讀經修中大雨治承四年二月十日示寂  
壽七十一

江州延曆寺沙門覺快傳

釋覺快鳥羽帝第七子執性溫雅早崇佛門久安二  
年登睿山皆年十三入青蓮院隨大僧正行玄圓頂  
納戒夏六月任一身阿闍黎謁問耆德講習顯密六  
年冬任權僧都仁平元年冬十一月就玄公受傳法  
灌頂尋敘法印永曆元年秋於禁殿禱日蝕修七佛  
藥師法而得驗嘉應二年敘無品親王安元三年任  
延曆寺座主兼領法性寺座主快多病倦於寺務住  
職二年奏解印回青蓮院平日持地藏尊臨終手把  
彩線口唱寶號晏然示寂壽算四十八其夜門人等  
葬遺骸於雲林院皆養和元年十一月六日也



江州延曆寺沙門明雲傳

釋明雲房號慈雲京兆人源亞相顯通子初就睿山  
辨覺法印受顯密法爲座主最雲法親王之資氣質  
沈靜學業優柔仁安元年敕任僧正尋補延曆寺座  
主賀州鵝河寺者屬附睿山州司藤師高弟師經執  
政令酷虐與寺衆有惡暴衆燒寺衆僧告事睿山山  
徒訴朝請坐藤氏而師高父西光士于後白河上皇  
而有威寵是以訟不速成山徒乃興日吉神興將入  
禁門帝命諸士拒擊退之西光奏曰此度赦恣座主  
明雲爲地上皇赫怒編雲言州治承元年雲出京師

山衆黨議曰座主無咎依西光讒無咎受譴非我徒  
之恥乎當要路奪還各禱山王神曰神若容議願視  
感驗時一童子俄在呼曰我疾患雲師之竄且喜大  
衆之議於是者病五百餘員擲念珠於神前曰若託  
言不食還於各主童子輒拾散珠度與一無筌悞木  
衆感喜追至栗津奪雲而歸會西光謀討平相國事  
露光及師高伏斬帝聞雲無咎六月賜赦三年己亥  
再任座主尋領天王寺寺務山徒闕此任十一世而  
今始復焉壽永二年左典廐源義仲以兵襲上皇行  
在法住寺法親王圓慧及雲共中流失而殞十一月

十九日也

贊曰雲公天下不運座主良隅干戈叢裡鎮三千徒  
罹佞臣讒將請遠陬衆怒神託追奪返都上皇賜赦  
再住名區平生盛業於是可輟若夫壽永擾亂中流  
矢而化者不知命乎宿債乎

城州良峰沙門義尊傳

釋義尊初在睿嶽橫川學顯教與密部通其蘊奧後  
爲西山良峰之住僧也溫順不競性愛修禪無言端  
坐幾乎九年常誦法華信地藏菩薩造長二尺像奉  
置菴中焉一夜夢見菩薩背負尊向西而行及過曠野

足觸荆棘尊啓菩薩曰我足大傷冀勿背負菩薩曰  
師造我像太短小也足控於地其不亦然乎尊夢覺  
驚歎重造二尺像又滴指血書法華經精修益勤魔  
魅現形欲障其行尊不動著至心修法魔不著便附  
弟子妙圓使發狂疾尊以神力咒縛魔悲歎曰妒哉  
我常欲惱亂師卒不能近更著侍僧卻被咒縛奈何  
得脫冀賜恕宥誓不再來矣尊乃解縛住世稍久某  
年自知化緣盡湯沐更不觀佛唱號至聲漸復如人  
禪定晏然而化

本朝高僧傳卷第五十二

音訓

卍 古患切 曼茶 下徒切 搽 徒協切 幟 昌志切 傘 蘇簡切

枳 當沒切 料 斤於切 妒 都故切

江府住玉泉軒成九居士信施淨財鏤  
本朝高僧傳卷五十二 茲冀  
上報四恩下資三有家道繁興種智圓明  
寶永丁亥佛成道之日  
濃州路加納盛德禪寺 知藏比丘 謹

本朝高僧傳卷第五十三

濃州盛德沙門 師蠻 撰

感進四之八

京兆東寺沙門禎喜傳

釋禎喜侍從藤宗信之子世豪法印密灌之高弟也  
於瑜伽法得修練名保元三年敎法眼司圓城廣  
隆二寺永曆元年加東寺長者在權少僧都應保元  
年六月久旱民望雲漢奉敎率伴讀經於神泉苑僅  
經三日白龍浮見甘雨普潤仁安初轉大六月又旱  
修孔雀經法於神泉苑七日不雨延期二日至結願

日大雨施野賞任東寺一長者是秋承寺務法務兼帶之宜二年正月任權大僧正嘉應三年春主仁和圓教寺務是歲春旱法華神泉不出又應救許乘車承安二年秋後白河上皇弗豫率二十僧修孔雀經法於東寺西院旬餘得驗賞置阿闍梨五人於西院尋賜修營東寺治承元年管東大寺四年七月高倉上皇還和於西院行孔雀經法修中平復有賞弟子任遍在權律師冬又御惱修同法得應賞賜官馬舉真禎敘法眼壽未二年賜乘灰輿而入禁門十月朔日遁毫而化壽八十有五矣

系曰治承四年冬平清盛使其子重衡燒南都興福東大佛閣聖經一時成灰惟舍那大像巍然于瓦礫場焉此時喜公爲東大寺主威望驗德感靡王臣而不能救逆焰者何也興廢者時運也雖佛之威神力而不能速制焉然而文治之元重衡戮不旋踵俗衆徒之手授首南京申包胥曰人衆則勝天天定亦勝入此言實哉

### 京兆仁和寺沙門定遍傳

釋定遍左典廐藤顯定之子稟灌頂法於寬遍僧止當時以密學稱之平治年中僧官歷任嘉應二年轉

大僧都安元二年冬司東寺長者治承四年夏奉敕禱雨於神泉苑修中得驗壽永元年任權僧正二年領東寺寺務董東大寺法儀可觀元曆初年移仁和之圓宗院兼法務文治元年住洛東法勝寺敕轉正秋八月南都大佛開眼供養遍爲導師冬十月朝廷厭禳西兵行五壇法遍修中壇賞敘法眼是歲十月既望臥病於六條北西洞院帝幸問疾遍起拜恩十八日奄然而寂年五十三

紀州高野山沙門理賢傳 慧智

釋理賢和州人天性高簡疎略人情元曆元年司高

野檢校征夷大將軍賴朝源公聞其道貌專价招之賢稱疾卻聘使弟子慧智代已謝智弊衣破笠修刺幕館守門拒之不入適源公自外而還前驅叱之智退屏息源公之馬辟易不進左右怪尋智在路傍乃延館待遇暨其將歸源公曰師有所欲乎智曰貨財世利非我所望若得佛像所不敢辭也仍與愛染明王像智歡喜頂受自負歸山安寺供養時像口吐米數百粒其大如菽時人號吐米愛染後日源公聞其靈驗割富貴莊若干畝以供燈油由今之蓮華院乃其地也從此供僧三人輪次奉之於今不廢賢建久

元年十月十一日以稔七十四終於所住智又有才  
解有法驗不知其所終焉  
贊曰七十子之似孔子也八萬衆之肖釋迦也此世  
之所歆羨也詩曰螟蛉有子蜾蠃負之教誨爾子式  
穀似之賢智師資之謂與

京兆東寺沙門覺成傳

釋覺成大相國忠雅藤公之子師仁和寺覺法親王  
受祕密放住寶壽院仁和北院根古有魔一日夕晡  
丈餘法師腰纏赤裳異形可畏提垂髮童出院捷走  
成偶相逢勵心結印誦一切魔不能壞文法師放童

忽爾而亡成時未昇僧官朝野翬傳兜力二條帝敕  
賞其法驗長寬二年閏十月敘法眼承安二年轉法  
印治承二年任權大僧都四年十月加任東寺長者  
承和元年六月旱奉詔於神泉苑讀經祈雨至第七  
日有龍現池卽得法雨文治五年任權僧正建久三  
年轉正七年秋七月補東大寺務任職三年大整寺  
規九年三月轉大僧正十月二十一日寂享年七十  
三也

越後無動寺沙門慈應傳

釋慈應字護念六條判官源爲義之季子逮父隕命

道往越後剃髮出家顯密二教皆能習串於越州菅  
谷山初無動寺安不動尊精修勇猛靈感甚多州民  
歸崇建久七年冬抵相州鎌倉大將軍賴朝源公以  
其叔父延之柳營禮遇孔敬會源公之女久寢病牀  
諸醫束手請應加持疴瘳如拭源公大悅欲建寺府  
內俾興教法應爲嫌不肖源公強而留之應曰闔閭  
聚落非僧所萃拂示北歸遂終天壽焉  
贊曰應公之志操高於澗松清似秋月不受外垢之  
蒙又猶如雖生金鍊而作器不變其性焉

京兆東寺沙門延杲傳

釋延杲左少辨藤能忠子性質純美早信密教從東  
寺大僧正禎喜圓頂披衣喜即杲之叔父爲時所貴  
及學業成授以密灌華聲日著僧官隨轉文治元年  
春任權少僧都不幾轉大建久二年春司東寺長者  
夏五月旱奉敕於神泉苑修請雨經法第四日雨賞  
敘法印七年七月神泉祈雨三日得驗八年六月神  
泉讀經散日大雨卽就壇場拜權僧正明年轉正領  
寺務正治元年轉大兼法務秋八月神泉誦經第二  
日雨賞聽牛車是歲住高尾神護寺建仁元年爲護  
持僧翌歲秋董東大寺一住三年多所脩葺元久二

日本書紀卷之五十三  
本朝高僧傳卷之五十三  
年七月久旱詔於東寺灌頂院修孔雀經法不日雨降賞以延教任權律師果至老期奏辭諸職退居六條別院建永元年三月十一日化於所住壽八十四世稱六條僧正

城州最福寺沙門延朗傳

釋延朗但州養父郡人左兵衛尉源義信子大將軍義家源公四世之孫也母平氏朗生有奇相頂骨隆起形如肉髻且有重瞳父母鍾愛諱曰義實累世珍甲祕仗皆委付焉朗好出離無處俗志及愍二親住郡之比曾寺習讀釋典年十四從二井永證學台教

翌歲剃髮稟戒居京五年回比曾寺專誦法華二十九年歲依睿山東塔山王院觀嚴受兩部灌頂法就養全阿闍梨重受密印灌頂平治元年源義朝藤信賴共取官誅以朗源家之族平清盛率官軍圍其寺朗恐不能免乃專心持法華忽有天童報曰我使諸兵士皆熟睡師速逃去朗喜奔出歷諸靈區遂至奧州松島宿廢寺凌晨里人饋珍膳來朗問其故曰夜來夢異人告曰廢寺有貴人汝等盜餉邪故來耳及世稍靜又還舊寺丹州官吏某舉家染瘟疫二女已死官吏懇乞法救朗曰聞公素好畋獵故受此厄若



能禁此業則我當施祕法也吏卽仰天作誓朗乃咒  
香水灑生飯與之病人皆愈一女久病已經二百日朗  
持念灑香水一女俄蘇語幽冥事松尾祠主相賴患  
盲求救朗日子飼五鷹皆免放我致法驗神主乃於  
石室前一時放太朗乃誦咒持念昔舍利忽現出座  
上朗卽令其子賴康納於神殿既而神主兩眼忽明  
見物如故神主起拜朗建久七年秋雷劈松尾大杉  
其枝將壓寶殿神官恐伐就朗議焉朗曰莫慮早伐  
但有奇事耳及加斧枝仆果自樹穴二塔迸出一漆  
一銅舍利出自銅塔神官等益信朗言復於祠南建

三級塔安之寺前池有大石白髮老人常坐其上朗  
問翁何屢來此翁曰我松尾明神也聽師誦法華故  
屢影現耳我與一給使言已不見果二鳥來馴不棲  
餘禽丹州海濱有神祠巫祝常事釣魚大祝暴死祝  
屬皆來乞救朗卽加持立蘇闔家皆議朗師於世財  
不受何以報此恩朗聞曰有一事宜之乎皆曰欽受  
命朗曰此祠前海埽數里禁曾釣則足矣祠主誓隨  
命朗因立四至永修放生朗又創二十講每歲不闕  
州民隨喜立爲大會安元二年朗遷松尾最福寺穿  
大池建設其上州民痔歛饌而助朗謂日鑿至三尺

當有異寶得之者子姓必昌檀越源康後聞之極力  
加鑿果得古鏡一枚自此遂至巨富一日癩人啓曰  
定有夙障受此惡疾願師道力救我困厄朗乃於浴  
室側親自洗濯癩人數日眉毛漸生肌膚鮮滑源廷  
尉義經以丹州篠村莊充廚庫資朗辭不受廷尉殷  
勤至再無已而受然三年不課其租賦後有輸者朗  
曰汝等能唱一萬佛號免租一石衆人勇進念佛以  
故民家殷富豪朗恩惠越後有平資長將軍維茂之  
胤家世雄武一日謁朗命僕持大弓長矢朗曰壯哉  
弓矢試彎架焉資長乃彎之矢鏃尚有餘朗指其餘

曰是處誰箭乎資長靦然而出朗謂人曰資長矯侈  
衒其器仗恐不終其天年乎壽永之間源義仲舉兵  
入京師資長黨平氏拒義仲中夜空中聲曰資長與  
逆賊罪不赦資長聞之身體不能動至曉遂亡朗之  
機鑑多類此承元初年冬謂諸徒曰我願與世尊同  
壽今已七十八來歲當行矣我滅後山之西有光現  
則當葬其處至除日入道場斷食轉經正月十一日  
夜端坐向西結八字印唱三佛號吉祥而滅天樂瑞  
靄異香妙華石室內外薰郁敬響不日山西果有祥  
光諸徒遵命立石塔以藏焉

贊曰朗師出源家將種稱谷堂初祖勇健精修感驗  
無方其懿德之貴譬如渾金璞玉從歷鍊磨而易為  
珍古人言萬物不如出處好者於朗師乎見之矣

京兆東寺沙門印性傳

釋印性右京兆長輔之子京師人從東寺任覺僧  
正受兩部祕法性氣俊邁有密學名建久九年僧官  
歷昇任權大僧都是歲秋旱奉詔於神泉苑讀經祈  
雪至第五日大雨降潤朝家優賞以弟子覺放直敘  
法眼三年七月為東寺長者尋轉法印元久元年秋  
久旱又到神泉苑修請雨經法散日急雨二年七月

旱日尚矣有敕於東寺灌頂院率伴僧二十員修孔  
雀經法以祈雨至第二日甘雨沔沔尋敕修七日齋  
賜甚廡建永元年三月中旬補東寺主務翌日詔為  
護持僧越三日掌法務冬十月任權僧正其年開真  
乘院於仁和寺讓職歸休承元初年七月三日安臥  
入寂壽七十六先是南都興福寺金堂有怪變眾議  
請性加持其怪即止云

江州園城寺沙門增智傳 覺忠

釋增智大相國師實藤公子年邁小學入園城寺師  
增譽僧正落飾稟具學顯密法精修砥礪功驗早著

住千光院任法印權大僧都。不幾爲園城寺長吏轉。僧正兼法務。瑜伽祕教乘時闡揚。某年日有食。詔智禱之。卽於睿峰根本中堂修七佛藥師法。其日黑雲覆天。賞賜牛車重下。宣旨曰。卿之法裔禱日月食。入禁門時。永許乘車。衆以爲榮。不詳其終。有弟子覺忠大相國忠通藤公之子。顯密研精。解行感驗。獨步當世。住千光院兼聖護院。相次歷補三井長吏。天台座主。爲衆令範。承元十年十月六日。順世。年六十。

京兆華藏院沙門親覺傳

祐尊

釋親覺。內大臣忠親藤公之子。從仁和寺守覺親王。

受兩部法師承。覺成僧正。研究密教。名位歷進。建仁三年任大僧正。建永初年爲東寺長者。屢承綸言。祝釐奏祥。建保元年九月二十九日。示寂。覺由華藏院移和之忍辱山。共有遺蹟矣。又同時有釋祐尊。從侍仁證法印。稟灌頂法。探蹟密藏。住仁和之西方院。授示家教。卿庶崇信。遷喬隨天。任權大僧都。建保元年秋。司東寺長者職。衆喜得人。是秋久旱。於神泉苑修請雨經法。至第七日。暴雨大澍。畿甸人民拊野而稱。承久四年五月二十七日。微疾。溢化。住世七十六。

相州西明寺沙門源延傳

釋源延字淨蓮豆州走湯人蚤上城都從澄憲于台山顯密二教俱入堂奧性慈愛物在相之松田莊開西明寺專課念佛口三萬遍數詣信州善光寺祈生安養承久三年春夢彌陀如來出自寶殿告延言汝欲決定往生以大悲心勸化衆人鑄我形像廣益衆生又告寺衆言走湯山源延有緣之者欲使渠親模我真容也延時在于駿州智滿寺爲修曼陀羅供大阿闍梨得寺衆書不勝感激直往善光人堂念佛第四日夜延乃屏衆獨入寶殿瞻仰如來紫磨金色長尺五寸右手結施無畏左手擬刀劍印相嚴如觀音

勢至脇侍左右圖寫尊容摸佛身背暖如人膚奇香薰手終身不歇因募化緣俾佛工越前法橋海繩鑄就尊像其年七月開眼供養僧俗拜瞻如羣蟻來按善光寺事國史不見然傳說久如來應化不可疑焉

和州三輪沙門常觀傳

釋常觀和州三輪人久修密法好行慈濟嘗詣吉野神祠路見兒輩三人聚泣觀問其故一童女曰我父遠征未歸母今疫死鄰里忌畏無助愆人以妾弱身諸弟尚幼無可如何故共號泣觀深憐之昇屍葬野思惟神忌灰穢將還三輪支體不動觀思神其有意

乎試赴吉野身健無崇尚慎穢事不近神殿依大樹  
下誦經默禱時巫奏樂狂走喚觀曰待公者久何來  
晏我無忌嫌只貴慈心耳相延入殿因問法理神答  
如流往復唱酬觀不忍拜辭眷眷歸太  
贊曰莊嚴論云神者聰明正直也夫死生命也如有  
夜且之常庸人亦知之神豈忌成耶吾國朴實信巫  
祝之言漫爲忌諱者振古而爾惟神不可容僞也苟  
人能有誠則神必知之以觀公之事可爲則焉

東關沙門性蓮傳

釋性蓮東夷人民俗以親族齒骨安於高野山蓋欲

弘法大師共結龍華三會之定期也蓮慈孝負母骨  
赴高野路次尾州熱田以神忌穢不敢入社宿南門  
側登夜大祝夢神告曰我有高賓汝等宜致珍饗詰  
朝大祝使人巡檢蓮在門側大祝敬請蓮告忌諱大  
祝曰我夢蒙神饗師乃供盛饌送到紀州  
贊曰神者不受非禮有禮則神歆之子之於親生事  
必祭禮莫大焉之熱田宮者日本第三之神能知孝  
禮之本故令大祝致蓮以饌爲易曰知幾其神乎聖  
人之言不可以已哉

城州愛宕山沙門仁鏡傳

釋仁鏡南京人父母禱伽藍神曰願得男子思入佛  
門不幾得胎生有睿相九歲投東大寺剃髮就學稍  
長登壇受戒博擇經論堅持戒檢一夏入深山修禪  
波羅密感神人來香爐添火瓦甌換水晚年欲相勝  
地而成終焉之處聞愛太子山者地藏龍樹聖化之  
地不亞支那五臺峨嵋往而安居持誦法華六時修  
懺紙衣葛服恬度寒燠茗粥蔬菜動虧齋時辛修積  
功勝相現前獅子白象常來相馴護法善神不離四  
儀現形隨侍年一百二十七終於山中  
贊曰師子白象來馴神人奉侍者戒慧之徵也至壽

倍於易數者禪定之驗也鏡公夫三學鼎足之人與  
今觀其慕龍樹木士之聖蹟則宗於三論與

和州解嶽沙門良算傳

釋良算關東人遊學南北性行勇健永絕鹽穀只食  
淡菜常誦法華不雜佗業荷葉木皮爲衣止宿塚間  
樹下嘗謂身似水沫命如朝露況五陰假合四倒鬼  
常住其中斯誑我心能作衆惡若愛護之癡愚之甚  
也是故不惜身命苦修精練而期至解脫安樂之地  
而已後登金峰山住居解嶽專持法華與人語開口  
尚誦過雖瞑目眠經音不絕山鬼供果天女現身猛

獸毒蛇皆悉馴伏其年示疾臨終面有喜色或問上  
人生平毀譽不動今何所喜算曰平日孤露今受榮  
爵不亦說乎或曰榮爵何也算曰捨塵勞垢穢之體  
昇金剛妙淨之階豈非榮爵乎言訖而逝  
贊曰子輿氏之說有天爵者有人爵者實有功於世  
間也算公之言榮爵者是出世間之爵也高於佗之  
地步也亦一層

紀州高野山沙門覺基傳 明賢

釋覺基泉州山代縣人灌頂已後奔馳南北窮尋密  
部義解為衆所知住蓮上院任荷瑜伽承元二年補

高野檢校是歲冬後鳥羽上皇有故名基於仙洞修  
孔雀經法即得効驗賞敘法橋上人位基奏乞後任  
者例賜之制可弟子明賢久侍左右承基祕訣常住  
北院為學人授中院法流尤有感通仁治元年任高  
野檢校

防州三井寺沙門齊遠傳

釋齊遠防州人久居東寺習諸經呪後歸故國住玳  
河郡三井寺其他本觀音薩埵靈蹟也遠供香華誦  
法華多載一冬大雪不晴過旬餘絕人跡遠忍飢寒  
誦經不輟俄大狼來庭殺鹿而吞因烹食之雪霽里



人相訪疑餓死矣見爐下有烟起揭鍋視之皆柏葉  
遠見肉變相思未曾有以實告之里人嘆曰觀音慈  
力妙經威力并師慈力有此靈應不可思議哉遠近  
聞知莫不起信焉

和州海峰寺沙門廣恩傳

釋廣恩居吉野山海峰寺志氣精勤晝夜誦法華經  
暮年沈疴疲極不能敢起弟子勸曰師病至重如來  
許病比丘食肉願得藥魚進治膳恩不聽勸之再三  
遂使童役市魚八尾藏於篋路逢俗輩怪而問篋中  
何物童役給之曰法華經俗輩見篋外魚汁洩出又

有腥氣曰汝所持者必魚也擬落篋童心平誓曰我  
師多載清淨今罹重病爲藥求魚俗輩見之恐得謗  
罪願魚變作經令避師恥既而俗輩啓而視之法華  
八軸也相顧棄去獨有抱疑者趁童役跡傍戶伺聽  
童向恩述其事恩不勝感激即命埋其魚俗士聞得  
跳出恩前五體投地悔謝曰雖是實魚依師道力變  
成經卷我等愚癡下凡起猜疑之心自今厚結檀緣  
拜禮而去

贊曰觀音菩薩垂以無作大慈現於南瞻部洲有衆生  
以誠精誦經唱號即應現成就其願猶如月移澄水

焉其誓曰如一衆生不成佛我不取泥洹遠恩二師以心念清淨故必鹿救飢人挑鍋烹柏葉藥魚求車俗啓龍變蓮經至今亮季如一師修者菩薩之誓豈其可虛乎哉

和州大安寺沙門蓮藏傳持法

釋蓮藏居大安寺持法華有法嚴者在同寺持華嚴二人後遷雲州相距不遠結菴而居各持一經二十年矣嚴常憂齋飯不給神人來謂曰我爲師送供從茲每日供美饌嚴以爲藏不如我也一日嚴語神曰明日可送二分我欲餉藏師神諾而歸翌朝招藏曰

午齋盛饌當共公享藏至相待至晡神不來及藏已歸神擊供而至嚴呵曰來何晏神曰我嚮臨此會梵釋四主大威德神等守護藏師此菴上四方空中圍繞充滿我小神不得近傍今諸天已去我漸廢來嚴乃躬捧神供詣藏所獻謝前志又有釋持法專持法華故立爲名也亦有誦金剛般若者自號持金二人住一山相去半里各結草菴守戒律勤持誦持金比丘不待乞求晨糜午飯菜蔬茶果自然備足持法比丘齋廚不給因事分齋持金起憍誇心而念我持誦專注經法又優故諸天善神送供不乏被持法者持

念救情經法又劣是以汲汲行丐也一時法之童子  
來金諷以天供事又曰汝師如何童曰我師無感依  
入作活耳童歸白師法笑而已次日持金天供不至  
乃至二三日金作大驚怪於般若須菩提屢生惋恨  
夢白眉清癯一僧謂金曰汝雖誦金剛未足得法利  
何橫生怨恨乎金白曰多時送供爲誰僧曰持法比  
丘憐汝故使十羅刹女每日送供汝不知之返生憍  
傲於法耶金覺後知老僧是須菩提也抱大慚恥乃  
誦法處禮拜悔謝說夢事又曰多時所惠甚爲優賜  
而數日不送何耶法笑曰比來適忘出生飯自今後

不敢忘也自爾齋供如前日金益傾伏焉濟北和  
日子見慈恩南山之事與此相似雖佐左異人亦相  
並比何哉益介勝負彼我於懷者動有此等之怪恥  
是又神靈矯其操履也非經法之崇庠矣誠哉此言

本朝高僧傳卷第五十三

音訓

叱 呼霸切 羸郎何可 芟 蒲撥切 膏 七入切 髻 吉第切  
 畷 亭年切 劈 匹亦切 序 文儿切 颯 虎典切 穢 烏胃切  
 亞 衣架切 籠 敷尾切 猜 食才切

江府住玉泉軒成九居士信施淨財鍊  
 本朝高僧傳卷五十三 茲冀  
 上報四恩下資三有家道繁興種智圓明  
 寶永丁亥佛成道之日  
 濃州路加納盛德禪寺 知藏比丘 謹

萬葉和歌集 全二十冊 同傍註

同 拾穗抄 全一冊 同傍註

堀川院百首 全一冊 同傍註

同 治良百首 全一冊 同傍註

和歌伊勢海 全三冊

十六夜日記 全三冊

同 殘月抄 全三冊

源氏物語 全一冊

秋夜長物語 全一冊

和歌御書物所 京都三條通堺町 出雲寺松栢堂

八代類集 全十冊 合本三冊

古今和歌集 全一冊

練玉和歌抄 全一冊

古語深秘抄 全十冊 合本三冊

近世名家集類題 全七冊

秋夜長物語 全一冊

源氏物語 全一冊

秋夜長物語 全一冊

和歌御書物所 京都三條通堺町 出雲寺松栢堂

終

